

重刊道藏輯要

張三丰先生全集

漢嘉長乙山人李西月重編 張道淵子深氏敬書

閩中朱道生晚成子敬刊

姪 瑛春城

朱 瓚素園同校字

男 璜礪溪

洞玄度人寶懺諸天無上真經

開經偈

太和一氣轉鴻濛演教人寰霽日紅包羅萬象森羣峯慈愛

道藏輯要

三丰全集 洞玄真經

三 續畢集十

文章錦繡胸鼓鑄元黃氣潛吹素籥風經為天口話高穹

爾時

金闕至尊

玉皇上帝端拱彌綸之境高臨燄摩之天紅雲捧座身現三十

二色寶光照臨下界

睿念惓惓因降

玉音垂訓左右諸彌而白衆言方今海宇羣生沐承平之化多

鄉善之人但有獨善必須兼善若無兼善即非善善汝等願力

宏深更須乘時闡教默贊

熙朝仁風遠播化雨長施慈悲度越羣倫仙秩還超聖境是時

玉虛師相

眞武玄帝稽首上言臣自黃帝時養眞太和克成上道叨侍紫霄迄今四千餘載始生一人天師之後號曰全一廣立功行有大神通闢邪演正敷訓元明南極會上曾封爲繼武眞人謂其光顯太和道踪臣後

玉清至尊封爲廣慈普度

上清至尊封爲飛龍濟世

太清至尊封爲文遠眞君西南諸省屢受鴻麻臣念此眞足當鉅任但恐職微難宏普教

至尊加寵必不負恩現詣

道藏輯要

三丰全集 洞玄眞經

三

續畢集十

昊天敬申高聽

至尊聞奏喜暢天顏勅宣陛見毋致逡巡眞君乃從容入觀稽首座前玄光覆頂聖眷欣欣

帝曰卓哉爾全一眞君深明大道師相稱揚已知爾德果能推心浩遠暢發玄經佇命仙苑史臣代製寶誥錫爾光榮茲將爾全一眞君晉秩洞玄帝君玉虛右相參法天師監察無方便宜行事上下八極任爾游行有功無過再申寵錫

玉音下垂眞君拜命

帝受拜已乃退黃金之殿居赤玉之宮昊天師相卽命玄天侍從導引洞玄帝君流覽北極宴叙三朝與諸眞列宿洗程餞送

乃復遨遊

三清懇垂寶訓

元始天王曰天地未判鴻鴻濛濛五居十內玄統黃中胚胎萬物涵養三才靜而生動混沌初開

又說最上法言曰太和之氣種於乾父震為長男生自坤母出日入月闔門闔戶掌握陰陽為道根祖人若遇之壽延萬古

靈寶天王曰順道成人逆道成丹造丹之法以讓以謙立中生正兀兀騰騰下閉地戶上開天門人若見此道悉長存急急如律令侍衛我法身火符驅萬邪一點注黃庭

道德天王曰至道之精不在繁言外緣屏去神注丹田人心忘

道藏輯要

三丰全集

洞玄真經

三

續畢集十
川文

要言不煩

忘天息綿綿往來內院順彼自然或長或短或後或前生氣灑灑如車轉旋行之純熟便可成仙

諸天訓已

吳天使至復賜瑤函一章並錫寶珪寶印寶劍寶冊九德偃月冠七星如意簪素綃綺霞之帔紫綃華袞之裳羽屬絳絲之裙八寶鉢衣元光玉履飛雲金輅羽蓋瓊輪仗九光之節予十絕之旛前踞雙鳳後隨八鸞千乘萬騎朗耀清虛望闕謝恩返躬無既帝君乃拜辭

諸天上聖奉教推行

洞玄帝君降行雲之閣開度世之航爾時漏天久雨暑月凝寒

開度世之航乃此

人民怨咨稻梁淹浸法筵初起瑞霧團團佳氣頻臨清風灑灑
朗星照水曙日出山乃登妙臺用開寶訓

帝君曰太哉至道之微以言洞達至道之精以言明徹經可為
法尊聖經以法吾法經本常道尊聖經以道吾道非有法相非
無法相日用行習即呈法相非有道名非無道名事理倫常即
是道名從經者昌違經者亡吾普法言於薄海吾宣道妙於遐
方吾引善人於仙鄉

又言天人之間只有福善禍淫兩條是故作善者降之千祥不
善者降之百殃修身之士止於至善而心定六塵不擾六根由
是三尸去五賊除尸賊不能逞其毒殃害不能近其身積善之

道藏輯要

三丰全集

洞玄真經

三

續畢集十

中有驅殃之法焉非積善之後而乃有善報也實去惡之時而
已無惡報矣二聖大典善量無邊三聖大經善緣普度人何不
勉而行之

帝君曰經典聿成人宜遵奉十方大眾六合羣生敬唵瑤章須
知寶訓夫讀書須當為已而演經先在濟人慈悲廣注福祿來
崇茲諭爾善男信女每值良辰焚香禮拜或居靜地掃閣繙書
須存三大願廣立無量功一願君王仁聖民物咸亨二願父母
康強宗族共盛三願沉魂滯魄度世超生存希有量合三無心
不求福而福自降不禳禍而禍自平此經唵處神鬼齊聽為此
諭行各宜遵信

帝君曰經文最重參禮為尊先民有言至誠感格神駕臨虛人
須頂敬勿誇水陸之奇珍勿飾法筵之儀器心清室靜氣聚香
霏如觀列聖諸尊三元五嶽洞天福地海島山洲一切神靈都
來頂上列列皈依合掌恭敬

志心朝禮

此句唸聖號一位一聲即行禮拜

玉清聖境元始天尊

上清真境靈寶天尊

太清仙境道德天尊

玉皇大天尊玄穹高上帝

九天應元雷聲普化天尊

道藏輯要

三丰全集

洞玄真經

无

續畢集十

北極素王玄聖道君

南極長生赤精大帝

東華木公青陽大帝

西華金母元皇上帝

中央黃老元皇上帝

周御國王斗父天尊

摩利支天斗母天尊

諸天諸界諸尊聖父大帝

諸天諸界諸尊聖母元君

日宮太陽帝君

月宮太陰皇君

三元三品三官大帝

五方五嶽諸尊大帝

三十六天一切尊帝

九天開化文昌元皇道君

西來開化釋迦牟尼佛王

普陀顯化靈感觀世音王

然燈古佛玉虛明皇大帝

北極真武玄天仁威大帝

佑聖司命帝君

道藏輯要

三丰全集

洞玄真經

三

續畢集十

翊聖保德帝君

玉清首相關聖帝君

天樞上相武侯帝君

太初玄元鐵祖齊陽帝君

金闕上相鍾祖正陽帝君

玉清內相呂祖孚佑帝君

玉清侍節韓祖恒陽帝君

普化玄覺張祖飛陽帝君

太清上相曹祖洪陽帝君

西華清妙何祖一陽帝君

上清真宰藍祖養素帝君

◎八真派演一切廣道真君

大清右相劉祖海蟾帝君

上清右相王祖重陽帝君

符陽邱真君

紫陽張真君

◎南北二派列位真君

龍虎正法輔元演教正一始祖

◎龍虎掌法列代仙師

太白救化青蓮先生玉清文妙真君

道藏輯要

三丰全集 洞玄真經

三

續畢集十

蘇文忠公東坡先生衡文翼道真君

蘇文定公穎濱先生衡文輔道真君

◎歷代文儒一切得道真君

上清首相隱仙寓化猶龍二祖文始先生

上清真宰隱仙寓化猶龍三祖麻衣先生

太清靜宰隱仙寓化猶龍四祖希夷先生

上清右相隱仙寓化猶龍五祖火龍先生

玉虛右相參法天師猶龍六祖崑陽先生

宏願沈真君

普願汪真人

◎祖師派演一切真人

海上三山一切高真

海內十洲一切高真

十大洞天一切高真

四大空同一切高真

四大名山一切高真

四大部州一切高真

三十六洞天高真

七十二福地高真

四十大名山高真

道藏輯要

三丰全集 洞玄真經

三

續畢集十
一十二文

清源妙道趙真君

◎歷代斬邪護國神

歷代大忠義之神

歷代大孝節之神

濟生上化藥王孫真君

濟生普化藥王許真君

◎歷代一切濟生真君

歷代地仙仙師

歷代劍仙仙師

雲天二十八宿萬象星君

六十甲子支干列位星君

十二宮神分野星君

當年本命元辰星君

三百六十應感天尊

九天司命東厨定福府君

天上天下值日功曹考校仙官

天上天下值日糾察豁落大將

雷門守將十二天君

五百靈官感應一切天君

本府城隍碩德尊神

道藏輯要

三丰全集

洞玄真經

三

續畢集十

本縣城隍輔德尊神

通天都府司瘟主者

下界行瘟一切尊神

當方土地社令神祇

飛符傳語齋奏之神

一切大慈悲

十方諸神眾

祥雲滿虛空

弟子今頂禮

願存三大願

普注人人身

弟子今世非

以及前生惡

悉令得消除

永生行善心

志心皈命禮

傳經仙師洞玄無上帝君 三稱三叩畢

是時

諸天尊帝集清微之天臨虛明之殿

三清上座列聖中分有一高真孚佑帝君出班稽首面白

諸天尊言弟子今觀下界善緣結自西南洞玄大開經典度人

無量奉教推施明德新民天恩無既臣願述洞玄經讚曰

人習洞玄經 定生方正心

人習洞玄經 定生慈祥心

人習洞玄經 定生清淨心

道藏輯要

三丰全集 洞玄真經

言

續畢集十 二〇三

人習洞玄經 定生智慧心

人習洞玄經 定生超悟心

人習洞玄經 定生仙佛心

伏以

洞玄經者諸天尊之寶訓四大洲之祥光此經在處萬神皆護

此經在處萬仙同助於是說洞玄大懺拜謝

天恩

人禮洞玄懺 能解疾苦厄

人禮洞玄懺 能解是非厄

人禮洞玄懺 能解刀兵厄

人禮洞玄懺 能解水火厄

人禮洞玄懺 能解邪魔厄

人禮洞玄懺 能解網羅厄

人禮洞玄懺 能解瘟瘴厄

人禮洞玄懺 能解厄中厄

人禮洞玄懺 能解厄外厄

孚佑帝君說是讚已敬懇

洞玄帝君展金闕之瑤函發雷音而醒世羣真列聖咸此聽聞於是

洞玄帝君啟

道藏輯要

三丰全集 洞玄真經

三 續畢集十

昊天上帝寶訓而與下民宣曰仁慈清淨為道之心謙和誠默為道之行高明博厚為道之門養三奇靈為道之根道重知死乃能知生亦重知生知死方真無極而死太極而生其精湛潔其氣渾淪其神虛寂其道圓成人能知此碧落飛昇

道德天王曰三教同源一編萬古佐我玄風揚吾正道爾諸仙眾盍同稱舉於是列聖羣真合掌慶歌和聲而退復次

玄天大帝謁

玉虛之座進

金闕之廷恭上瑤函懇垂寶誥

誥曰

玉虛上相金闕高真德暢人神經開井鬼廣三千之功行醒億萬之沉迷昔從元嶽而成真今繼玄天而闡化扶正教無黨無偏闕旁門有聲有色誅殺乾坤之方士挽回道德之宗風指先天而對月招後進以昇雲妙道無方玄微莫測至靈至聖至大至尊體合自然神凝般若三教真宰一氣權衡參法天師洞玄帝君猶龍六祖隱仙寓化虛微普度天尊

洞玄帝君拜受誥已

諸天神聖亦返天宮只見祥雲冉冉華日輝輝

帝君乃返本壇敷說此經而為世人言曰

願以此功德推及於萬世

道藏輯要

三丰全集

洞玄真經

卷

續畢集十

與一切眾生皆成無上道

志心朝禮

諸天度人無量經三稱而退

洞玄經者度世之航也經中所述皆諸天垂訓法語我三丰先生遵經演之洞明玄蘊洞達玄微於是受封洞玄帝君於是說此洞玄真經有緣遇此寶之童之弟子西月敬誌